

Lindås Kommune  
Byggesak  
Kvernhusmyrane 20

5914 ISDALSTØ

Hundvin 19. februar 2018

**Merknad til fylkesmannen i Hordaland sin uttale til etablering av kai. Gnr 88 bnr 13**

**Arkivsak/id: 17/3538**

Syner til brev frå fylkesmannen dagsett 09.02.2018.

Fylkesmannen påpeikar at *det er eit nasjonalt mål at strandsona skal bevarast som natur - og friluftsområde tilgjengeleg for alle.*

Og fylkesmannen hevdar også at: *Ein kai er eit privatiserande tiltak som kan forringe området sine friluftskvaliteter. Omsyn til allmenne interesser i strandsona veg tungt, jf. pbl. § 1-8. Fylkesmannen rår difor i frå at det vert gjeve dispensasjon for etablering av kai.*

Vidare understrekar fylkesmannen at: *det ikkje bør skje inngrep eller utbygging i dette regionale friluftsområdet.*

I mitt tilfelle vil eit slik tiltak ikkje forringe friluftskvalitetane og almenne interesser, tvert imot vil bygging av kai gjera friluftsområdet meir tilgjengeleg på ein trygg måte, noko som samsvarar med det nasjonale målet.

Underteikna er veldig opptatt av å ivareta friluftskvalitetane og leggja tilrette for dei almenne interessene.

Vi kjøpte dette naustet i 2015 og har tatt det aktivt i bruk. Det vi ser er at vener, naboar og kjente har meire aktivt tatt dette området i bruk etter at vi blei eigar. Dei andre nausta i nærområdet er eigd av folk som ikkje er fastbuande i Lindås kommune. Det er tydeleg at no når det er ein lokal eigar av naustet så vert området brukt meire.

Det er nettopp denne auka aktiviteten, der fiskestenger, teiner og garn skal inn og ut av naustet/båten som gjer at eg søker om etablering av kai. Eg er redd for at ungene mine, andre sine ungar og vaksne lett kan skade seg på dei sleipe svaberga rundt naustet, når dei skal utføra desse aktivitetane.

Vidare meiner eg at bygging av kai i liten grad kan sjåast som eit nytt inngrep eller bygging i strandsona, men heile området vil framstå på ein meir ryddig måte.

Eg ber derfor kommunen sjå med velvilje på mine argument og gje dispensasjon for tiltaket.

Med venleg helsing

*Vidar Gjerstad*  
Vidar Gjerstad

Fagervollen 41  
5956 Hundvin